



Broj:
Sarajevo: 25.8.2020.

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

 BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 25-08-2020			
Organizaciona jedinica	Klasifikaciona oznaka	Redni broj	Broj priloga
01-50-1-		1704	20

n/r članova Kolegija

Na osnovu člana 8. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", broj 79/14, 81/15 i 97/15), podnosim poslaničku

INICIJATIVU

kojom se zadužuje Kolegij Predstavničkog doma Parlamentarne skupštine BiH da, u saradnji sa Vijećem ministara BiH, za narednu sjednicu Predstavničkog doma Parlamentarne skupštine BiH pripremi materijal i prisustvo nadležnih članova Vijeća ministara kako bi Predstavnički dom dobio relevantnu informaciju, a onda i raspravljao o Mišljenju Evropske komisije o zahtjevu Bosne i Hercegovine za članstvo u Evropskoj uniji sa posebnim akcentom na realizaciju 14 ključnih prioriteta iz ovog dokumenta.

Obrazloženje:

Bosna i Hercegovina je podnijela zahtjev za članstvo u Evropskoj uniji 15. februara 2016. godine. U posljednjem Mišljenju Komisije o zahtjevu Bosne i Hercegovine za članstvo u Evropskoj uniji se, između ostaloga, kaže da Bosna i Hercegovina treba započeti proces rješavanja pitanja funkcionalnosti kako bi se ispunili zahtjevi za članstvo u EU i preuzele odgovarajuće obaveze, te da Evropska komisija smatra da bi se pregovori za pristupanje Bosne i Hercegovine Evropskoj uniji trebali otvoriti kada zemlja postigne potreban stepen usklađenosti sa kriterijima za članstvo, a posebno sa političkim kriterijima iz Kopenhagena kojima se zahtjeva stabilnost institucija koje naročito garantuju demokratiju i vladavinu prava. S tim u vezi pred institucije je stavljen set ključnih prioriteta na čijem ispunjavanju treba ubrzano raditi.

Uloga Parlamentarne skupštine Bosne i Hercegovine u procesu EU integracija je po ocjeni mnogih potcijenjena, a kapaciteti i politička važnost najvišeg zakonodavnog tijela u državi se nedovoljno koriste. Veoma je važno da svi ključni politički akteri preuzmu svoj dio odgovornosti i angažuju se na odgovarajući način kako bi dokazali da opredjeljenje za evropski put nije samo fraza koja se koristi onda kada je potrebno.

Nepostupanje ili presporo postupanje po preporukama Evropske komisije šalje sliku naše nezainteresovanosti da postanemo dijelom EU. Zato je od velike važnosti da se o Mišljenju Evropske komisije i djelovanju po osnovu preporuka iz ovog dokumenta organizuje rasprava najvišeg zakonodavnog organa države koja će, nadam se, rezultirati konkretnim zaključcima i aktivnostima koje će biti prepoznate i od strane građana Bosne i Hercegovine, jednako kao i od naših partnera iz Brisela.

S poštovanjem,

Poslanik SDP BiH

Saša Magazinović

